

## ILUARSISSUTIT

Inatsisartut inatsisissaattut siunnersuummut nassuiaatit aggustip19-iat 2016-imeersoq taarserneqarpoq.

*(Iluarsiissuteqarnikkut assingusumik oqaasertaliinermi kukkunerit annikitsut naqqinneqarput aamma oqaatsini "immikkut atajuaannartussamik nalunaaqutsiineq" pillugu oqaatsip isumaa erseqqinnerusumik nassuiarneqarluni. Taassuma saniatigut kalaallisut iluarsiissuteqarnermi oqaatsit ataasiakkaat nutserneqarsimasut qallunaatut allanneqarneranut naapertuuttunngorlugit nutsernerinik naqqiissutikkut aaqqiivigineqarsimapput )*

Siunnersuummut nassuiaatit

### **Nalinginnaasumik nassuiaatit**

#### **1. Aallaqqaasiut**

Qeqertami Ilulissanilu qimmit januar 2016-imiilli qimmit nappaataannik nappaalalersimapput, tassani qimmit 120-it missaat nappaammik toqquteqarsimallutik. Kalaallit Nunaanni Uumasunut Nakorsaqaqarnermut Inuussutissalerinermullu Oqartussaqaqarfiup misissuinerisa takutippaat kalaallit qimmii qimuttut amerlasoorpassuit qimmit nappaataannut parvovirusimullu eqqortumik akiuussuserneqarsimanngitsut.

Uumasut illersorneqarnissaat eqqarsaatigalugu maanna pissutsit pineqartut attanneqarsinnaanngitsutut isigisariaqarput. Qimmit nappaataat nappaataavoq qimminut eqqugaasunut anniartitsisartorujussuaq amerlasuutigullu kinguneqartarluni toqqutaanerani. Aamma qimmit nappaataat tuniluutiasuararsuavoq qimmimiit qimmimut tuniluutialluni mianersuussinngikkaanni. Mianersuussisoqarsinnaavoq soorlu ilaatigut qimmit immikkoortillugit nappaalasullu imaluunniit nappaalussorisat kisimiitilerlugillu avissaartillugit iliuuseqarnikkut.

Qimmit nappaataannut akiuussutissaqarpoq, akiuussutissarli qimmimut sunniuteqassappat illersuissappallu qimmit tamarmik eqqortumik akiuussuserneqarsimanissaat pingaaruteqarluinnarpoq. Qimmip ukiumi siullermi pingasoriarlugu kingornalu ukiut pingasukkaarlugit ataasiartarlugu qimmeq akiuussuserneqartassasoq Kalaallit Nunaanni Uumasunut Nakorsaqaqarnermut Inuussutissalerinermullu Oqartussaqaqarfiup innersuussutigaa.

Qimmit nappaataata sapinngisamik nungusarnissaa siunissami anguniagaavoq. Tamanna pissappat qimmit tigumminnittaasa tamarmik ilisimaarilluartariaqarpaat nappaammut ingalassimatitsinissamut ataatsimut akisussaaffeqarlutik. Qimminik tigumminnittut

qimmiminnik akiuussusiinngitsut tunillaassuinerimi ingerlatseqqisarpur pisariaqanngitsumillu tunillaassuinerimik attassisuusarlutik.

Siunnersuutip uuma taamaammatt siunertaraa qimmit nappaataannut parvovirusimillu akiuussusersuineq inatsisitigut piunasaqaataalissasoq, soorlu perlerornermut akiuussusersuineq assigalugu.

## **2. Siunnersuummi immikkoortut pingaarnertit**

### *2.1 Inatsisitigut piunasaqaataasumik akiuussutissalersuineq, nalunaaqutsersuineq nalunaarsuinerlu*

Maannakkut qimminik tigumminnittut inatsisitigut piunaffigineqarpur qimmimi perlerornermut rabies-imut akiuussutissalerneqartarnissaannut, tak. Nappaammik perlerornermik (rabies) akiuiniarneq pillugu Namminersornerullutik Oqartussat nalunaarutaat nr. 22, 17. september 1997-imeersoq. Tassani aalajangersarneqarpoq qimminut qimuttoqarfinniittunut, savaateqarfinniittunut nujuartanullu uumasunut akiuussusersuinerimi Nunatta karsia akiliisassasoq. Allanik qimminik tigumminnittut akiuussusersuinerit namminneerlutik akilissavaat. Inatsisissatut uani siunnersuummi taamatut periuseqarnissaq eqqarsaatigineqarpoq, tassami misilittakkat takutippaat qimmit nappaataannik parvovirusimillu qimmit nappaalalertarneranni qimmit qimuttut savaatillillu qimmii arlerinartorsiornerpaasartut, qimmit taakku ataasiakkaat arlaliutittarlugit ataatsimoortinneqakkajummata. Taakku sania-tigut qimmit taakkorpiaat piujuartinnissaasa qulakkeerneqarnissaat naalakkersuinnikkut kissaatigineqarpoq, tassami Kalaallit Nunaata piorsarsimassutsikkut kingornussaata ilagimmitigtit.

Tamatuma sania-tigut ilimagisariaqarpoq qimminik qimuttuniit savaatillillu qimmiit allaanernik qimminik tigumminnittut maannakkut qimmimi akiuussusernerannut nalunaaqutsernerannullu ingerlaavartunik aningaasartuuteqareersimanissaat. Qimmit nunatsinnut eqqunnissaannut nunatsinnillu anninnissaannut ilaatigut piunasaqaataavoq qimmit nappaataannut, parvovirusimut perlerornermullu akiuussuserneqarsimanissaat. Taamaalilluni innuttaasunut aningaasartuutaanerussaaq, tassami inatsisitigut piunasaqaataasumik parvovirusimut qimmillu nappaataannut qimmit akiuussuserneqartalissammata kiisalu atajuartussamik ataasiakkaarlutik tamarmik nalunaaqutserneqartalissammata. Taamaattoq ilimagineqassaaq qimminik tigumminnittut amerlanerit tamakkiisumik minnerusumilluunniit taakkununga aningaasartuuteqareersimanissaat. Tamanna ilutigalugu nalinginnaasunik qimminik tigumminnittut amerlanerpaat ataasiinnarmik immaqaluunniit marluinnarnik amerlanertigut qimmeqartarput, taamaammallu akiuussusiinernut nalunaaqutsiinernullu aningaasartuutaat appasinnerullutik qimuttunik arlalinnik qimminik tigumminnittunut sanilliullugu. Naapertuuttumik isiginninniarneq aallaavigalugu inuunnaat akilersinnaasaattut aningaasartuutitut minnertut isigisariaqarpoq.

Siunnersuutikkut qimmit nappaataannut parvovirusimullu inatsisitigut piumasaqaataasumik akiuussusiisarnissaq eqqunniarneqarpoq.

Qimmimik tigumminnittup akisussaaffigaa qimmip akiuussusernissaa, kommunalbestyrelsillu akisussaaffigalugu innuttaasunut qimminik kapuuisartoqarnissaa uumasulluunniit nakorsa-qarnissaa, taamaalilluni akiuussusersuineq inatsisit naapertorlugit ingerlanneqarsinnaaniassappat.

Taakku saniatigut kommunalbestyrelsip akisussaaffigaa kommuni akiuussusersuinerit nakkutigissallugit qimminillu nalunaarsuissalluni. Taamatut nakkutilliineq nalunaarsuinerlu Naalackersuisunut nalunaarutigineqartassaaq, taakku suliaqaqarfimmi tassani nakkutiliinermik suliaqartuugamik kiisalu qimmit nappaataannik tuniluutiasunut akiuiniarnermi nuna tamakkerlugu suliniuteqarnermut ataqatigiissaarisuullutik.

Kommunalbestyrelsit ataasiakkaat perlerornermut akiuussutissanik kapuisussaataitanertik naapertorlugu qimminut akiuussutissalersuisartunik sulisoqareerput. Qimmit nappaataannut parvovirusumillu akiuussutissiineq kiisalu nalunaaqutsersuineq qimminut akiuussutissanik kapuuisartooreersunut nalunaaqutsiisoqartarnissaanut ilinniartissutigineqarsinnaapput. Tassa kommunini suliaqsat nutaarluinnaat atuutsinneqalersnissaat pineqanngilaq, suliaqsanilli pioreersunik nangitsineruinnarluni ingerlaannartumik atuutsinneqalersumik nutarterneqartumillu.

Perlerornermut, qimmit nappaataannut parvovirusimullu uumasut ukiumi siullermi aallarnisaataasumik akiuussuserneqareerpata ukiut pingasukkaarlugit akiuussutissamik kapitittarnissaat uumasut nakorsaannit inassutaavoq. Taamaammat kommunalbestyrelsit akiuussusersuinerit ataqatigiissarsinnaassavaat qimmit qaqugukkut akiuussusersornerat assigiissarsinnaangussavaat.

Akiuussusiinerup saniatigut inatsisitigut piumasaqaataasumik nalunaaqutsiisarnissaq nalunaarsuisarnissarlu siunnersuutikkut eqqunneqassapput. Kommunit ataasiakkaat maanna innuttaasunut qimmimi nalunaaqutsernissaat nalunaarsornissaallu piumasaqaatigereerpaat. Inatsisissatut siunnersuutikkut ugguuna suleriaatsit assigiissaarneqassapput.

Akiuussutissiisarnermik pilersaarussiaq eqqortumik ingerlanneqassappat pingaaruteqarluinnarpoq qimmit aamma immikkut nalunaaqutserneqarnissaat, taamaalilluni qimmit sorliit akiuussuserneqarnermut nakkutigineqarsinnaaniassammat.

Qimmit nappaataat parvovirusilu tuniluutiasuararsuupput, sumiiffimmi ataatsimi qimmeq ataaseq tunillatsissimaguni sumiiffimmi tassani qimminut allanut tuniluutipallassinnaavoq. Akiuussutissanik tamakkiisumik illersuisumik atuuttoqanngilaq, qimmilli ataasiakkaat akiuussuserneqarnikut tunillatsinnissaminnut aarlerinartorsiunnginnerusarput kiisalu tunillatsissimassagaluarunik uumaannarnissaminnut periarfissarissaarnerusarlutik.

Taamaammat qimmit sorliit akiuussuserneqarnersut qangalu akiuussuserneqarsimanersut iluamik nakkutigineqarnissaat pisariaqarluinnarpoq. Taamaammat qimmit nalunaaqut-serneqarlutillu nalunaarsorneqartussaapput.

## *2.2 Nalunaarutiginninnerit*

Kommuni akiuussutissanik kapoorinernut nalunaaqutsersuinernullu tunngasunik kommunalbestyrelsip nalunaaruteqartarnissaannut malittarisassat erseqqarinnerusut Naalakkersuisut aalajangersassavaat.

Naalakkersuisut sulissutigaat nuna tamakkerlugu paasissutissanik aaqqissuussinikkut katersiviliortoqarnissaanik, tassani kommunit sulianik sullissisuisa sulineranni Naalakkersuisunut paasissutissanik nalunaaruteqartarnissaat oqilisaanniarnearluni. Paasissutissanik aaqqissuussinikkut katersivik taanna kommunit innuttaasullu isaaviattut atorneqassasoq eqqarsaatigineqarpoq, taamaaliornikkut siunissaq ungasinnerusooq eqqarsaatigalugu innuttaasut qimmiaaraatitaatik paasissutissanut katersivimmuut nalunaarsorsinnaalissallugit, tassuuna kommuni ilisimatillugu qimminik akiuussusigassanik nalunaaqutsigassallu nutaanik peqalersooq.

Qimmit kommunimi akiuussutissalernerqartut nalunaaqutserneqartullu pillugit nalunaarutiginninnerit Naalakkersuisut piunasaqarnerisigut kommunalbestyrelsip nassiuttassavai. Paasissutissat suut nalunaarutigineqassanersut kiisalu qanoq qaqugukkullu nalunaaruteqartoqartassanersooq pillugit malittarisassat erseqqarinnerusut Naalakkersuisut aalajangersarsinnaavaat. Naalakkersuisut eqqaaneqartutut nuna tamakkerlugu paasissutissanik aaqqissuussinikkut katersiviliortoqarnissaa sulissutigaat, tassani kommunit akiuussusersuinernut nalunaaqutsersuinernullu tunngasunik paasissutissanik assigiinngitsunik nalunaaruteqartassallutik. Paasissutissanik aaqqissuussinikkut katersiviup sulianik sullissisunut ataasiakkaanut paasissutissanik apeqqutigineqartunut ikkussisinnaanerit sukkaniingorlunilu pisariinnerulissaaq, taamaalilluni allaffissornerujussuusimasinnaasooq pinngitsoortinneqarsinnaassalluni.

Maannangaaq kommunalbestyrelsi perlerornermut akiuussusersuinerit pillugit Naalakkersuisunut nalunaaruteqartussaataareerpoq KANUKOKA-p, Aalisarnermut, Piniarnermut Nunalerinermullu Naalakkersuisoqarfiup aamma Uumasunut Nakorsaqaqarnermut Inuussutissaqarnermullu Naalakkersuisoqarfiup (UNIO) isumaqatigiissutaat kingullermik 2014-imi nutarterneqarluni atsiorneqartoq naapertorlugu.

Kommunalbestyrelsi tassa paasissutissanik Naalakkersuisunut nassiussisussaataareerpoq, taamaalillunilu periaatsimik ingerlatseqqinnerulluni. Taamaattoq nalunaaruteqartarnerit taakku paasissutissanik katersivimmik nutaanik pilersitsinikkut suliarineri oqinnerujussuannagussasut naatsorsuutigineqarpoq.

## *2.3 Pinngitsaaliissummik akiuussutissalersuineq, nalunaaqutsersuineq nalunaarsuinerlu*

Perlerorneq pillugu Namminersorerullutik Oqartussat nalunaarutaat malillugu maanna qimmit pinngitsaaliissummik perlerornermut akiuussusernissaat inatsisitigut tunngavis-saqareerpoq. Taama periaaseqarneq qimmit nappaataannut parvovirusimullu akiuussu-siinissamat kiisalu nalunaaqutsiinernut nalunaarutiginninnernullu atuuttussatut inatsisissatut siunnersuutikkut ugguuna ingerlateqqinniarneqarpoq.

Siuliani oqaatigineqareersutut akiuussusersuinerit iluatsissappata nappaatit siaruaannissaanut aarlerinaat minnerpaaffianiitinneqassappat taava qimmit ataasiakkaat sapinngisamik amerlanerpaat akiuussuserneqarnissaat apequtaassaaq. Taamaammat oqartussat taassuminnga sakkoqarnissaat pisariaqarpoq, qimminik tigumminnittut ataasiakkaat inatsisitigut piumasaqaataasumik qimmimi akiuussusernissaat kiisalu nalunaaqutsiinissamat pissutsit assigiinngitsut peqqutigalugit akerlerissagaluarpatigit, akiuussusiinissaq nalunaaqutsiinissarlu utaqqissunneqarsinnaanngitsumik suliarinninnissamulluunniit kinguartinneqarsinnaanngippat tigumminnittup ilaatigut akiligassiisummik akuersinissaata tungaanut. Tamanna qimmilerinermut, Kalaallit Nunaanni nunanilu avannarlerni assersuuffigisartakkatsinni periaatsinut atuutereersunut naapertuuppoq.

Aamma qimminik tigumminnittunut malittarisassat malillugit akiuussusersuisunut tamanna naapertuunnaviangilaq qimminik tigumminnittut ilaasa akiuussusersuinatik kinguneqar-titsivigineqartanngippata, taamaaliornermikkut qimmit akiuussuserneqareersut tunillatsin-nissaannut aarlerinartorsiortilerneqartussaammata, tassami oqaatigineqareersutut akiuus-sutissaq tamakkiisumik akiuussusiisanngimmat.

#### *2.4 Akiuussutissalersuisoqarsinnaanngippat, nalunaaqutsersuisoqarsinnaanngippat nalunaarsuisoqarsinnaanngippallu toqutsineq*

Perlerornermut tunngasumik nalunaarusiami maanna aamma atuuppoq akiuussusiisoqarsinnaanngippat uumasooq toqunneqassasoq. Taamatut periaaseqarneq siunnersuutikkut ugguuna ingerlateqqinniarneqarpoq, qimmit nappaataannut parvovirusimullu tuniluulluni siaruaatinninnissaanut sakkussatut pingaaruteqartutut isigineqarluni.

Toqutsineq tigumminnittumut akiligassanngortinneqassaaq, aamma tigumminnittumut taarsiinertaqanngitsumik tamanna pissalluni.

Aalajangersagaq taanna pisariaqarpoq akiuussutissanik kapuinerup annerpaamik iluatsinnissaa qulakkeerneqassappat kiisalu qimmit akiuussuserneqanngitsut allanut tunillaassuinnginnissaat qulakkeerniarneqarluni.

Naalakkersuisut toqutsisarnermut tunngasumik nalunaarummik maanna suliaqarput, tassani pineqartoq pillugu malittarisassat ersarinnerusut allatorneqarsimallutik. Toqutsinermut tunngasumik nalunaarut uuma inatsisissatut siunnersuutip atuutilernerata nalaani piareerneqarsimassasoq naatsorsuutigineqarpoq. Toqutsisarneq pillugu nalunaarummi

periaatsit ersarinnerusut toqutsereernerup kingorna tuniluttoqarnissaanut aarlerinaat millisarniarlugu qimmimik toqungasumik igitsinissamut tunngasut allaqqassapput.

## *2.5 Qimmit nappaataannik parvovirusimillu nappaalanerit tuniluunnerillu*

Inatsisissatut siunnersuummi siunnersuutigineqarpoq qimmit nappaataannik parvovirusimillu annerusumik nappaalasoqalernerani Naalackersuisut pingaarnertut nakkutilliisuussasut nappaalasoqalerneranilu nuna tamakkerlugu suliniutinik ataqatigiissaarisuussasut. Naalackersuisut maanna assingusumik nakkutilliisareerput ilaatigut uumasut nappaataannut inunnut tuniluussinnaasunut tunngasuni. Qulliunerusunik ataqatigiissaarisogarnissaa pisariaqarpoq qimmit nappaataannut akiuiniarnermi pitsaasumik assigiissumillu sulisoqarnissaanik qulakkeerinninniarnermi.

Naalackersuisut tamatumani immikkut ilisimasanik peqareerput, taamaammat pissusissamisoorpoq qitiusumik allaffeqarfimmit taama aqutsisoqassappat, tassami aamma nuna tamakkerlugu nappaalasoqalernerani tassannga malinnaaffigineqartaramik. Naalackersuisut aamma kommunalbestyrelsit siunnersorlugillu ilitsersuussinnaavaat kommunit suliniarnerat pitsaanerusumik qanoq ingerlanneqarsinnaanersoq ilaatigullu akiuussutissalersuinermtut pilersaarussiaq annertusisaq qanoq pitsaanerulersinneqarsinnaanerat qulakkeerniarlugit.

## *2.6 Pisortanit aningaasalersuineq*

Siunnersuut Nunatta karsianit aningaasalersorneqassaaq qimmit qimuttut savaatillillu qimmii eqqarsaatigalugit. Siusinnerusukkut eqqaaneqareersutut qimmini eqimattat taakku qimminit allanit tunillatsinissamut aarlerinartorsiornerupput immikkullu illersorneqarnissaat pisariaqarluni. Qimminut sinneruttunut qulaani eqqaaneqanngitsunut akiuussutissalersuinermtut nalunaaqutsersuinermtullu tigumminnittup nammineerluni akilissavai. Taamatut periaaseqarneq perlerortunut nalunaarummi ullumikkut atugaareerpoq.

Qimmit nappaataannik parvovirusimillu annerusumik nappaalasoqalernerani tuniluttoqarneralu tunngavigalugit pisoqarataassagaluarpat Naalackersuisut akiuussusersuinermtut annertusisamik pilersaarussiaamik akuersillutillu innersuussineranni aningaasartuutit Nunatta karsiata akilissavai. Tassani isiginiarneqarpoq nappaalanermit tuniluunnerit taama ittut piaartumik akiorniarneqartussaanagerat, siaruaakkasuarnissamullu minnerpaaffimminiititsinissamik qulakkeerisoqarnissaa. Taamatut ikiuiniarnermi qimmimik tigumminnittup akiuussutissanut akiliinissaa imaluunniit akissaqalernissaa utaqeqqaarneqarsinnaanngilaq. Pisuni taama ittuni ingerlaannartumik suliniuteqartoqartariaqarpoq, taamaassappallu tamanna aatsaat pisinnaavoq Nunatta karsia tassunga aningaasartuutinut akiliippat.

<b>Inatsisissatut siunnersuut inatsimmut atuuttumut sanilliullugu</b>	
<i>Oqaasertai atuuttut</i>	<i>Inatsisissatut siunnersuut</i>
	<b>§ 1</b> Qimmit qimuttut kiisalu qimmeqarneq qitsuuteqarnerlu pillugit Inatsisartut inatsisaat nr. 18, 30. oktober 1998-imeersoq , inatsillu taanna Inatsisartut inatsisaat nr. 28, 18. november 2010-meersukkut kiisalu Inatsisartut inatsisaat nr. 23, 22. november 2011-meersukkut allanngortinneqarpoq, ukulu allannguutigissallugit:
§ 4, imm. 1. Piumasaqaatit §§-ini 8, 12, 22 aamma 23-imi aalajangersarneqartut taakkuluunniit naapertorlugit malittarisassat aalajangersarneqartut malinneqarnissaat qularnaarniarlugu peqqussutit inerteqqutillu pisariaqartutut isigineqartut Naalakkersuinit nalunaarutigineqassapput.”	1. § 4, imm. 1 imaattunik oqaasertaqassaaq: ”§ 4. Piumasaqaatit §§ 8, 12, § 21, imm. 8, §§-ni 22, 23-imi aalajangersarneqartut taakkuluunniit naapertorlugit malittarisassat aalajangersarneqartut malinneqarnissaat qularnaarniarlugu peqqussutit inerteqqutillu pisariaqartutut isigineqartut Naalakkersuinit nalunaarutigineqassapput.”
§ 5. Piumasaqaatit §§-ini 7, 9, 10-mi, aamma 13, imm. 1-mi, kiisalu §§-ni 15, 16, aamma 19-imi aalajangersarneqartut taakkuluunniit naapertorlugit malittarisassat aalajangersarneqartut malinneqarnissaat qularnaarniarlugu peqqussutit inerteqqutillu pisariaqartutut isigineqartut kommunalbestyrelsinit nalunaarutigineqassapput.	2. § 5 imatut oqaasertalerneqassaaq: ”§ 5. Piumasaqaatit §§-ini 7, 9, 10, § 13, imm. 1, §§-ini 15, 16, 19, § 21, imm. 1-3-imi aalajangersarneqartut taakkuluunniit naapertorlugit malittarisassat aalajangersarneqartut malinneqarnissaat qularnaarniarlugu peqqussutit inerteqqutillu pisariaqartutut isigineqartut kommunalbestyrelsinit nalunaarutigineqassapput.”
<b>Kapitali 7</b> <i>Nakkutilliineq il.il.</i>	3. <i>Kapitali 7-imi</i> qulequtaq imatut oqaasertalerneqassaaq: ” <i>Nakkutilliineq, nalunaaqutsersuineq akiuussutissalersuineq</i> ”
§ 21. Naalakkersuisut qimminik qitsunnillu nakkutilliilersitsisinnaapput, taamatuttaaq paasissutissanik katersisitsisinnaallutik nalunaarsuisitsisinnaallutillu,	4. § 21 imatut oqaasertalerneqassaaq: ”§ 21. Qimmimik tigumminnittoq, matumani qimuttunik savanilluunniit paarsinermi qimminik tigumminnittut qimmiminnut

<p>misissugassanik peersisitsisinnaallutik kiisalu tamatumunnga atatillugu nalunaaqutsersuisitsisinnaallutik nalunaarsuisitsisinnaallutillu.</p> <p><i>Imm. 2.</i> Uumasuutunik imm. 1-imik taaneqartunik piginnittut inatsit naapertorlugu misissuisoqarnerani misiligutissanillu tigusisoqarnerani allatulluuniit iliortoqarnerani pisariaqarnera naapertorlugu akilerneqaratik ikiuutissapput.</p>	<p>makku isumagissavaat:</p> <p>1) qimmit nappaataannut parvovirusimullu akiuussutissalersuinermut pilersaarusiamik Naalackersuisut aalajangersagaannik malinninneq, aamma</p> <p>2) immikkut atajuaannartussamik nalunaaqutserneqarlutillu nalunaarsorneqassasut, akiuussutissamik kapitinninneranni imaluunniit siullermik akiuussutissamik kapineqarnerannut atatillugu.</p> <p><i>Imm. 2.</i> Qimmeq ukiumi siullermi pingasoriarlugu akiuussutissamik kapineqassaaq, taassuma kingorna ukiut pingasukkaarlugit aamma akiuussutissamik kapeqqinneqartassalluni.</p> <p><i>Imm. 3.</i> Imm. 1 malillugu akiuussutissamik kapuinerit nalunaaqutsersuinerilluunniit uumasut nakorsaattut ilinniarnikumit imaluunniit qimminut akiuussutissanik kapuisinnaatitaasumit akuerisamit taamaallaat suliarineqarsinnaapput.</p> <p><i>Imm. 4.</i> Kommunalbestyrelsip nakkutigissavaa qimminut akiuussutissalersuisinnaasut akuerisat uumasulluunniit nakorsaat pisariaqartitat naapertorlugit amerlassuseqartussat kommunimi atorfinitsinnissaat.</p> <p><i>Imm. 5.</i> Kommunalbestyrelsip inassuteqaateqarnera naapertorlugu kommunini qimminut akiuussutissalersuisartussat akuerisaasut Naalackersuisut ilinniartillugillu piginnaatissavaat.</p> <p><i>Imm. 6.</i> Qimmit kommunimi akiuussutissalernerneqartut, nalunaaqutserneqartut nalunaarsorneqartullu pillugit nalunaarutiginninnerit Naalackersuisut piumasaqarnerisigut kommunalbestyrelsip nassiuttassavai.</p> <p><i>Imm. 7.</i> Qimmit, matumanilu qimmit qimuttut savaatillillu qimmii aamma qitsuit</p>
---	---



	<p>nakkutigineqarnissaat Naalakkersuisut aallartissinnaavaat. Naalakkersuisut nakkutiginninnernut atatillugu misiliutissanik tigooqqaallutillu katersisinnaapput, kiisalu immikkut nalunaaqutsersuillutik nalunaarsuillutillu.</p> <p><i>Imm. 8.</i> Qimminik tigungminnittoq, matumani qimminik qimuttunik savaatillillu qimmiinik, kiisalu qitsunnik timminnitsuusut Naalakkersuisunut kommunalbestyrelsimullu pisuni imm. 7-mi ittumi akeqanngitsumik pisariaqarnera naapertorlugu ikiuutissaaq.</p> <p><i>Imm. 9.</i> Imm. 6 naapertorlugu nalunaarutiginninnerit pillugit Naalakkersuisut malittarisassiorsinnaapput, matumani ilaatigut kommunalbestyrelsit paasissutissat suut nalunaarutigissaneraat kiisalu qanoq akulikitsigisumik nalunaaruteqartoqartoqassanersoq ilanngullugu.”</p>
	<p><b>5. § 21-p</b> kingornanut ikkunneqassaaq:  ” <b>§ 21 a.</b> Qimminik tigungminnittoq, matumani qimminik qimuttunik savaatillillu qimmiinik, akiuussutissalersuinermi, qimmit tamarmik atajuaannartussamik nalunaaqutserneqarnissaannik nalunaarsorneqarnissaannullu akerliuppat kommunalbestyrelsip suliniutigissavaa qimmit pinngitsaalillugit akiuussutissalernissaat, nalunaaqutsersornissaat kiisalu nalunaarsornissaat.</p> <p><i>Imm. 2.</i> Imm. 1 naapertorlugu qimmit pinngitsaaliissummik akiuussutissalernerneqarsinnaanngippata, nalunaaqutsersorneqarsinnaanngippata kiisalu nalunaarsorneqarsinnaanngippata kommunalbestyrelsip suliniutigissavaa tigungminnittup akiligaanik tigungminnittumullu taarsiinertaqanngitsumik qimmit toqunneqarnissaat.</p>

	<p>§ 21 b. Qimmit nappaataannik parvovirusimillu annerusumik tuniluuttoqarluni nappaalasoqarnerani akiuussutissalersuinermit pilersaarusiaq annertusineqarsinnaavoq taamaallaat Naalakkersuisut innersuippata akuersippatalu.</p> <p>§ 21 c. Qimmit qimuttut savaatillillu qimmiisa qimmit nappaataannut parvovirusimullu akiuussutissalersitinnerannut atatillugu aningaasartuutit Nunatta karsiata akilertassavai.</p> <p><i>Imm. 2.</i> § 21-imi aalajangersakkat avataatigut akiuussutissiinernut nalunaaqutsiinernullu aningaasartuutit kiisalu akiuussutissalersuinermit nalunaaqutsersuinernullu imm. 1-imit eqqaaneqartunit uumasunut allanut tunngappata tigumminnittup kisimi akilissavai.”</p>
<p>§ 28. § 7, imm. 1-imi, § 8, imm. 1-imi, § 9, imm. 1 aamma 2-mi, § 10, imm.1-3-mi, § 12, imm. 2 aamma 3-mi, § 12 b-mi, §§ 14-18-imi, § 19, imm. 1, 2, 4 aamma 5-mi, § 20-mi kiisalu § 21, imm. 2-mi aalajangersakkanik unioqqutitsinerit akiliisitaanermik kinguneqarsinnaapput.</p>	<p>6. § 28, <i>imm. 1 imaattunik</i> oqaasertaqassaaq: ” § 28. § 7, imm. 1, § 8, imm. 1, § 9, imm. 1-2, § 10, imm. 1-3, § 12, imm. 2-3, § 12 b, §§ 14-18, § 19, imm. 1, 2, 4 imaluunniit 5, § 20, aamma § 21, imm. 1, 2, 3 imaluunniit imm. 8-mi aalajangersakkanik unioqqutitsinerit akiliisitaanermik kinguneqarsinnaapput.”</p>

	<p style="text-align: center;"><b>§ 2</b></p> <p>Inatsisartut inatsisaat atortuulissaaq ulloq 1. januar 2017, taamaattorli tak. imm. 2.</p> <p><i>Imm. 2.</i> Qimminik tigumminittut, matumani qimuttunik qimminik savaatillilluunniit qimmiinik, inatsisip atuutilernerani qimmii ataatsimik ukioqalereersimasut, inatsisip atuutilerneranit ukioq ataaseq qaangiutsinnagu qimmimi § 21-imi aalajangersakkat naapertorlugit nalunaaqutserlugillu nalunaarsornissaat isumagissavaat.</p>
--	--

### **3. Aningaasaqarnikkut allaffissornikkullu pisortanut kingunissai**

Qimmit qimuttut kiisalu qimmeqarnek qitsuuteqarnerlu pillugit Inatsisartut inatsisaata Inatsisartut inatsisaannik allangortinneqarneranik siunnersuut pisortanut, namminersortunut inuussutissarsiortunullu aningaasatigut allaffissornikkullu arlalitsigut kinguneqassaaq.

#### *3.1 Aningaasaqarnikkut allaffissornikkullu Namminersorlutik Oqartussanut kingunissai*

Inatsimmik allanguinikkut Namminersorlutik Oqartussat aningaasaliisussanngortinneqassapput nunami tamarmi qimmimut qimuttunut savaatillillu qimmiinut tamanut akiuussusersuineramik pilersaarusiamik ingerlatsilertussaallutik. Ataani naatsorsuinerne ilimagineqarpoq qimmit pineqartut katillutik 18.000-it missaanniissasut pineqartumi matumani ilanngunneqassasut.

Akiuussusersuineranut pilersaarusiap atuutsileraneranut atatillugu naatsorsuutigineqarpoq ukiumi siullermi (2017-imi) Namminersorlutik Oqartussat 4.500.000 koruunit missaanniittunik aningaasaliisinneqassasut:

- Qimmit ukiumi siullermi pingasoriarlutik akiuussutissalernerneqassapput (2017-imi), tassa akiuussutissat katillugit 54.000-it (kr 1.922.400) kiisalu kapuutit (kr 32.400).
- Taakku saniatigut qimmit 18.000-it mikrochips-inik nalunaaqutserneqassapput (kr 873.000) aamma chip-inut atuaatit 50-it (kr 75.000).
- Paasissutissanik aqqissuussamik katersiviliortoqassaaq (300.000 kr.) kiisalu innuttaasunut paasisitsiniaasoqassalluni (100.000 kr.).
- Naggataagut uumasut nakorsaannik nutaamik atorfinitsitsisoqassaaq (kr 650.000) suliassamik isumaginnittussamik kiisalu qimminik akiuussusersuisussanik ilinniartitsineranut aningaasartuuteqartoqassalluni (kr. 500.000).

**Tabel 1**

<b>Qimmit pillugit inatsimmik allannguinerup atuutsinnissaanut aningaasartuutitut naatsorsuutigineqartut</b>									
		<b>2017</b>		<b>2018</b>		<b>2019</b>		<b>2020</b>	
	<b>Akia /ataatsip</b>	<b>Amerlas-susii</b>	<b>Kr.</b>	<b>Amerlas-susii</b>	<b>Kr.</b>	<b>Amerlas-susii</b>	<b>Kr.</b>	<b>Amerlas-susii</b>	<b>Kr.</b>
Uumasut nakorsaak nutaaq	650.000	1	650.000	1	650.000	1	650.000	1	650.000
Chip-inut atuaatit	1.500	50	75.000	-	-	-	-	-	-
Mikrochips	48,5	18.000	873.000	4.500	218.250	4.500	218.250	4.500	218.250
Akiuussutissat	35,6	54.000	1.922.400	13.500	480.600	13.500	480.600	31.500	1.121.400
Kapuutit	0,6	54.000	32.400	13.500	8.100	13.500	8.100	31.500	18.900
Ilinniartitaaneq		-	500.000	-	50.000	-	50.000	-	50.000
Innuttaasunut paasisitsiniaanerit		-	100.000	-	100.000	-	20.000	-	20.000
Paasissutissaateqarfik			300.000		100.000		50.000		50.000
Nakkutilliisutut alakkaanerit					100.000		100.000		100.000
Katillugit			4.452.800		1.706.950		1.576.950		2.228.550
<b>Akunnaallisarlugit (100.000-inut qaninernut)</b>			<b>4.500.000</b>		<b>1.800.000</b>		<b>1.600.000</b>		<b>2.300.000</b>

Piffissamut tamarmut inatsisip allanngorneranut atatillugu piffissamut 2017-2020-mut naatsorsuutigineqarpoq aningaasartuutit 10.200.000 koruuniussasut. Piffissamut 2021-23-imut akiuussusersuinerimut piffissamut 2018-20-tuulli aningaasartuutit annertussuseqassasut naatsorsuutigineqarpoq, tassa 5.700.000 koruunit missaanniissasut. Ukiup siulliup kingorna Namminersorlutik Oqartussanut ukiumut aningaasartuutit 1.600.000 kr. – 2.300.000 kr. missaanniissasut naatsorsuutigineqarpoq, ukiumullu agguaqatigiissillugu 1.900.000 kr. Aningaasalersornissaata matussusernissaa Kalaallit Nunaanni Uumasunut Nakorsaqaqarnerimut Inuussutissalerinermullu Oqartussanut aningaasaliissutit kontop pingaarnerup 50.01.01-imiittup qaffannerisigut ukiunut tullernut ima anguniarneqarpoq.

<b>Qimmit pillugit inatsimmik allannguinerup atuutsinnissaanut aningaasartuutitut naatsorsuutigineqartut (kr)</b>			
<b>2017</b>	<b>2018</b>	<b>2019</b>	<b>2020</b>
<b>4.500.000</b>	<b>1.800.000</b>	<b>1.600.000</b>	<b>2.300.000</b>

Akiuussusersuinerimut pilersaarusiap atuutsilerneranunngit ingerlanneranullu atatillugu Namminersorlutik Oqartussat allaffissornertaa akisussaaffigissavaat. Suliassamut tassunga ingerlatsinissamut qulaani oqaatigineqartutut uumasut nakorsaannik atorfinitsitsisoqassaaq.

### 3.2 Kommuninut aningaasaqarnikkut allaffissornikkullu sunniutissat

Qimminut qimuttunut savaatillillu qimmiinut akiuussusersuinerit kommunini qimminik akiuussusersuisartunit suliarineqassapput. Taakku inatsimmi piumasagaataasunik perlerornermut akiuussusersuisooreerput.

Siunnersuut kommunit nalunaaqutsersuinissaannut akiuussusersuinissaannullu sulisutigut atuinernissaat naatsorsuutigineqarpoq. Pingaartumik ukiumi siullermi (2017) nalunaaqutsersuinernut kiisalu qimminut tamanut pingasoriarluni akiuussusersuinernut sulisunik atuinernissaq naatsorsuutigineqassaaq. Suliamut tassunga naatsorsuutigineqarpoq inuit 2,5-3-it ukiumut 2017-imut sulinissaat, ukiumut sulisut inuit 0,5-1,0 2018-imi aamma 2019-imi kiisalu inuit ukiut sulisussat 1,0-1,5-it 2020-imi. Sulisunut naatsorsuutit taakku kommuninut sisamanut tamanut atuuttussatut takorloorneqarpoq.

#### **4. Aningaasaqarnikkut allaffissornikkullu inuussutissarsiortunut kingunissai**

Siunnersuut inuussutissarsiutigalugu qimmilinnut allaffissornikkut sunniuteqarnissaa naatsorsuutigineqarpoq, tassani qimminik tigumminnittoq akiuussusersuisumut suleqataalluni qimmiminik kapuinermi ikiuuttussaammat. Siunnersuut inuussutissarsiutinik ingerlataqartunut aningaasatigut kinguneqartussatut ilimagineqanngilaq.

#### **5. Avatangiisinut, pinngortitamut inuillu peqqissusiannut kingunissai**

Siunnersuutip avatangiisinut pinngortitamullu sunniuteqarnissaa ilimagineqanngilaq.

#### **6. Innuttaasunut kingunissai**

Siunnersuutip kingunerissavaa qimuttoqarfiit avataanni inuit qimminik tigumminnittut peqquneqarnissaannik qimmimi chip-ilerlugit nalunaaqutsernissaat kiisalu qimmit nappaataannut parvovirusimullu akiuussuserneqarnissaannik. Pisuni taakkunani nalunaaqutsiinernut akiuussusersuinernullu qimmimik tigumminnittoq kisimi nammineq akiliissaaq. Kommuneqarfik Sermersuumi Kommunimilu Kujallermi akiuussusersuinernut maanna akigititai naapertorlugit qimminik tigumminnittup ukiumut siullermut (2017-imut) 500 kruunit 1.500 kruunillu missaannik aningaasartuuteqarnerunissani naatsorsuutigissavaa. Taakku saniatigut ukiut pingasukkaarlugit 150 kruunit kiisalu 450 kruunit missaannik akiuussusersueqqinnermut atatillugu aningaasartuuteqaqqittarnissaq naatsorsuutigineqassaaq.

#### **7. Kingunissat allat annertuut**

Siunnersuutip pingaarutilinnik allanik kinguneqarnissaa naatsorsuutigineqanngilaq

#### **8. Oqartussaasunik, kattuffinnik il.il. tusarniaaneq.**

Siunnersuutpiffissami 13. maj 2016-imit 17. juni 2016-imut Naalackersuisut tusarniaanermi nittartagaanniissimasoq ukununngalu tusarniaatigineqarluni nassiunneqarsimavoq:

Kalaallit Nunaanni Sulisitsisut Peqatigiiffiat GE (ga@ga.gl)  
Kalaallit Nunaanni Aalisartut Piniartullu Kattuffiat KNAPK (knapk@knapk.gl)  
Kalaallit Nunaanni Politiit (politi@politi.gl)  
Danmarkimi Inuussutissanik Aqutsisoqarfik FVST (32@fvst.dk)  
Danmarkimi Justitsministeriet (jm@jm.dk)  
KANUKOKA (kanukoka@kanukoka.gl)  
Kommuneqarfik Sermersooq (kommuneqarfik@sermersooq.gl)  
Kommune Kujalleq (kommune@kujalleq.gl)  
Qaasuitsup Kommunia (qaasuitsup@qaasuitsup.gl)  
Qeqqata Kommunia (qeqqata@qeqqata.gl)  
Qimussersit kattuffiat KNQK (mikkel\_jeremiassen@hotmail.com)  
Nunatsinni Nakorsaaneqarfik (nun@nanoq.gl)  
Inuussutissarsiornermut Naalackersuisoqarfik (isiin@nanoq.gl)  
Kultureqarnermut Naalackersuisoqarfik (ikiin@nanoq.gl)  
Peqqissutsimut Naalackersuisoqarfik (pn@nanoq.gl)  
Avatangiisinut Naalackersuisoqarfik (paian@nanoq.gl)  
Naalackersuisut Siulittaasuata Naalackersuisoqarfia (govsec@nanoq.gl)  
Aningaasaqarnermut Naalackersuisoqarfik (oeq@nanoq.gl)

Tusarniaaffissap naareernerata kingorna siunnersuut ima nassuiaasoqarnissaanik pilersitsivoq:

Tamatumunnga atatillugu oqaatigineqassaaq tusarniaanermi akissutit pingaaruteqassusiannik naliliineq tunngavigalugu taamaallaat pingaarnersiorlugit ilanngunneqarmata naalackersuisoqarfiullu taakkununga oqaaseqaatai uingasunik allataallutik.

Kalaallit Nunaanni Politiit tusarniaarnermut akissuteqaatiminni oqaatigaat inatsimmi pineqaatissiinissamut periarfissaqarpat pineqaatissiinerit qanoq sakkortutiginnissat isummerfigineqartariaqartoq.

*Aalisarnermut, Piniarnermut Nunalerinermullu Naalackersuisoqarfiup taama apeqqusiilluni oqariartorneq akuersaarnartippaa, taamaattorli suliani ataasiakkaanut atatillugu pineqaatissiinissamut annertussusiliinissami oqaaseqaateqartarnissaq suliniutigerusullugu. Taamatut iliuuseqarnikkut pineqaatissiinnaanissamut annertussusiliinerit piffissanut naapertusagaassallutik.*

KNQKP-p tusarniaanermi akissuteqaatiminni oqaatigaat qimminut qimuttunut immikkut inatsisiliortoqartariaqartoq, qimminut qimuttunut, qimminut qitsunnullu ataatsimut inatsisiliornani. KNQKP-p tassani uumasuutit qimmillu qimuttut paarlaassuullugit paatsoortoqannginnissaa tunngavilersuutigaa.

*Allannguutissatut siunnersuummi erseqqarissumik allaqqavog qimmit nalinginnaasut qimuttuunngitsut kiisalu qimmit qimuttut sumi pineqarnersut. Aalisarnermut, Piniarnermut Nunalerinermullu Naalakkersuisoqarfiup taamaammat qularinngilaa qimminik nalinginnaasunik qimminillu qimuttunik tunngasunik paatsooqatigiittoqarnissaa taputartuutsisisoqarnissaaluunniit pillugu aarlerinaat annikitsuararsuusoq.*

KNQKP-p aamma oqaatigaa allannguutissatut siunnersuummi § 21 c, imm. 1 akuerineqarsinnaangitsog, aalajangersagaq qimminut qimuttunut tamanut atuutsinneqarmat. KNQKP isumaqarpoq qimmit qimuttut aalisarnermut, piniarnermut, takornariartitsinermut nuannariinnarluguluunniit qimmerineqarnerinut immikkoortillugit isiginiarneqartariaqartut.

*Qimmit qimuttut aalisarnermut, piniarnermut, takornariartitsinermut nuannariinnarluguluunniit qimmerineqartut immikkoortinneqassappata siunertamut naapertuutissanngilaq, tassami qimmit qimuttut ataasiakkaat arlalinnut atorneqarsinnaasariaqarmata.*

Kalaallit Nunaanni Sulisitsisut tusarniaanermi akissuteqaamminni oqaatigaat allannguutissatut siunnersuummi § 21, imm. 4-mut atatillugu isummerfigineqartariaqartoq kommunini ataasiakkaani uumasut nakorsaqaarnissaanik qulakkeerinnittoqarsinnaangippat kommunit qanoq iliorsinnaanerannut isummertoqartariaqartoq.

*Allannguutissatut siunnersuummi § 21, imm. 4-mi aalajangersakkami piumasarineqarpoq kommunimi pisariaqartitat qimminik akiuussusersuisartut akuerisaasut uumasulluunniit nakorsaat qassiussanersut kommunalbestyrelsip nakkutigisassarigaa. Kommunalbestyrelsip kommunini ataasiakkaani uumasut nakorsaqaarnissaanik qulakkeerinnissinnaangikkuni paarlattaanik kommunimi qimminik akuerisamik akiuussusersuisartoqarnissaa qulakkeersinnaappagu naammaqaaq. Allannguutissatut siunnersuummi § 21, imm. 5 naapertorlugu kommunalbestyrelsi inunnik qimminut akiuussusersuisartussanik akuerisaasunik innersuussisinnaatitaavoq.*

Kalaallit Nunaanni Sulisitsisut aamma inassuteqaatigaat aalajangersakkanut ataasiakkaanut § 1, nr. 4-imi nassuiaatit allanngortinneqassasut, taamaalilluni oqaaseqatigiinni immikkoortuni kingulliit ”Tamatumani pineqarput pisuni inuup allanik qimminik tigumminnittup piinik ullualunni imaluunniit sulinngiffeqarnerani paarsineranut atatillugu”, taarserneqassasut ima ”Kalaallit Nunaanni feeriararneq pillugu inatsimmut naapertuuttumik sulinngiffeqarluni angalanerani”.

*Qimmimik tigumminnittup sivikitsumik sulinngiffeqarluni angalaneranut naliliiniarneq Kalaallit Nunaanni feeriararnermut inatsimmi aalajangersakkanik tunngaveqassanngilaq.*

Inuussutissanik aqutsisoqarfiup tusarniaanermik akissuteqaammini kaammattuutigaa allannguutissatut siunnersuummut ilanngussisoqassasoq "qimmit inuussutissarsiornermut atorpeqartut" pillugit nassuiaammik, taamaalilluni ersarissarneqarluni qimmit sorlerpiaat taama isigineqarnersut paasisinnaanngortillugit.

*"Qimmit inuussutissarsiornermut atorpeqartut" allannguutissatut siunnersuummit peerneqarput, taamaalilluni aalajangersakkani ataasiakkaani qimmit sorliit pineqarnersut ersarissumik allaqqalerlutik.*

Inuussutissanik aqutsisoqarfiup aamma oqaatigaa allannguutissatut siunnersuummi nappaatit allat ilaatinneqassanersut isumaliutigissallugu soqutiginarloq.

*Aalisarnermut, Piniarnermut Nunalerinermullu Naalackersuisoqarfiup nappaatit suut aalajangersaanermut ilaatinneqartassanersut ingerlaavartumik nalilersortarpai. Taamatut allannguutissatut siunnersuusiortoqarpoq aallaqqaasiinermi oqaatigineqareersutut Kalaallit Nunaata ilaani qimmit nappaataannik annertuumik nappaalasoqarnerata kingunerisaanik. Taamaammat tamanna ukkatarineqarsimavoq.*

Uku oqaaseqaateqanngillat:

PAIAN, PN, ISIIN, AN, KNAPK.

### **Aalajangersakkanut ataasiakkaanut oqaaseqaatit**

#### *§ 1-imut*

Nr. 1-imut

Aalajangersakkakkut piumasqaatit §§-ini 8, 12, § 21, imm. 8, §§ 22, 23-imi aalajangersarneqartut taakkulu naapertorlugit malittarisassat aalajangersarneqartut malinneqarnissaat qularnaarniarlugu peqqussutit inerteqqutillu pisariaqartutut isigineqartut Naalackersuisunit nalunaarutigineqartarnissaat inatsisitigut tunngavissinneqarput.

Allannguutissatut siunnersuutikkut inatsisitigut tunngavissiiisoqarpoq § 21, imm. 8-kkut nutaamik aalajangersaanikkut peqqussutit inerteqqutillu nalunaarutigineqarsinnaaneri, tassani allaqqalluni qimminik qimuttunik savaatillillu qimmiinik qitsunnillu taaneqartunik tigumminnittut akeqanngitsumik pisariaqarnera naapertorlugi Naalackersuisunut kommunalbestyrelsimulluunniit ikiutissasut.

Taakku saniatigut aalajangersagaq aalajangersakkamit maannamut atuuttumit ingerlatseqqinneruvoq.

Nr. 2-mut



Peqqussutit inerteqqutillu §-ini 7, 9, 10, §13, imm. 1-mi, §§-ini 15, 16, 19 aamma §21, imm 1-3-mi aalajangersarneqartut taakkuluunniit naapertorlugit malittarisassat aalajangersarneqartut malinneqarnissaat qularnaarniarlugu peqqussutit inerteqqutillu pisariaqartutut isigineqartut kommunalbestyrelsinit nalunaarutigineqarnissaannik aalajangersaaneruvoq.

Allannguutissatut siunnersuutikkut inatsisitigut tunngavissiisoqarpoq § 21, imm. 1-3-kkut nutaanik aalajangersaannikkut peqqussutit inerteqqutillu nalunaarutigineqarsinnaaneri, tassani allaqqalluni qimmimik, uanilu qimmit qimuttut savaatillillu qimmii ilanngullugit eqqarsaatigalugit, tigumminnittoq isumagassavaa qimmeq Naalakkersuisut aalajangersagaannik akiuussutissalersuinnermut pilersaarusiamik malitaqassasoq tassa qimmit nappaataannut parvovirusimullu akiuussusersuinissamut, nalunaaqutsersuinissamut nalunaarsuinissamullu qimmit ataasiakkaarlugit immikkoortumik atajuartussamik nalunaaqutsernerisigut qimmeq ukiumi siullermi pingasoriarluni kiisalu ukiut pingasukkaarlugit akiuussuseqqittarneratigut, taamaallaat uumasut nakorsaannik qimminillu akiuussusersuisussatut akuerisanit suliarineqartassatut.

Taakku saniatigut aalajangersagaq aalajangersakkamit maannamut atuuttumit ingerlatseqqinneruvoq.

Nr. 3-mut

Kapitali 7-p qulequtaata allanngortinnissaa siunnersuutigineqarpoq, taamaalilluni kapitalimi suliassaqarfiit nutaat inatsisiliunneqartunut naleqquttunngortillugit.

Nr. 4-mut

Aalajangersagaq nutaajuvoq tassanilu aalajangersarneqarluni qimmimik tigumminnittup isumagissagaa qimmeq akiuussutissalerersuinnermut pilersaarusiaq malillugu qimmit nappaataannut parvovirusimullu aalajangersimasumik akiuussuserneqartassasoq, immikkoortumik atajuartussamik nalunaaqutserneqarluni, nalunaarsorneqarlunilu, qimmeq akiuussuserneqannginnerani imaluunniit siullermik akiuussuserneqarneranut atatillugu. Oqaatsip ”immikkut atajuaannartussamik nalunaaqutsiineq” isumaata imarisaa pisarnertut isumaqarpoq qimmeq amerlanertigut elektroniskimik chip-ilerneqartassasoq kisiannili oqaasertaliorneq periarfissiivoq immikkut atajuaannartussamik nalunaaqutsiissummik allaanermik atugaqarsinnaanissamik pissutsinit pisariaqartitsilissagaluarpat aamma sammisamut teknologi nutaaq periarfissaalissagaluarpat. Siutini kakiortinnerit immikkut atajuaannartussatut nalunaaqutitut naatsorsuutigineqanngillat tassami kakiortinnerit piffissap ingerlanerani asinngarlutillu atuaruminaallisaramik soorlulu piginnittumut paasissutissat isortuunniarlugit siut kiperiaannaavoq imaluunniit qimmit qimuttut pissutsit atugaat pissutigalugit siut mikinneqariataarsinnaavoq qerulluniluunniit katariataarsinnaavoq.

Aalajangersagaq qimminut tamanut atuuppoq, tak. tulleriissaarlugit taaneqarneri "qimmit, matumani qimmit qimuttut savaatillillu qimmii." Taamaalilluni qimmit tamarnik akiuussutissalerneqassapput, nalunaaqutsersorneqarlutik nalunaarsugaallutillu.

Aallaavittut qimmip akiuussutissalersuinerimik pilersaarussiaq malillugu akiuussusersorneqarnissaa kiisalu nalunaaqutsersornissaa aamma nalunaarsornissaa qimmip piginnittuata isumagissallugu akisussaaffigaa. Taakku saniatigut aamma qimmimik "tigumminnittoq" akisussaasuutinneqarsinnaavoq.

Oqaatsikkut "tigumminnittoq"-kkut ersersinniarneqarpoq qimmit inuttaat kisimi akisussaatinneqassanngitsoq, annertusineqarlunili qimminik tigumminnittunut tamanut. Taanna atuuttassaaq assersuutigalugu qimmit inuttaat aallaqqappat, sivikinnerusumi sivilunermiluunniit, imaluunniit arlaannik peqquteqarluni qimmit inuttaata qimmini allamut isumagisassanngortissimappagit tunniutinngikkaluarlugit. Tamanna aamma atorneqartassaaq qimmit inuttaat paasineqarsinnaanngippat, taamaalilluni qimmit kina inuttarivinneraat nalornissutaalerluni. akiuussusersuinerimut, nalunaaqutsersuinerimut nalunaarsuinerimullu akisussaaffik aamma taamaalilluni qimmimut tigumminnittumut tussaaq, qimmit inuttarivikkaluarpasuk inuttarivinnikkaluarpasulluunniit.

Inuk qaqugukkut qimminik "tigumminnitsuussanersoq" pisumit pisumut nalilersuisoqartassaaq, pissutsit makku ilaatigut oqimaalutaatigineqartassallutik: qimmeq kia atorsinnaatitaavaa, qimmeq sumiippa, qimmeq sumi sinittarpa, qimmeq kia nerukkartarpaa imertittarlugulu, kina qimmimut ulluinnarni akisussaasuaa, qimmip nalinginnaasumik paarinera isumagineralu kia suliarisarpaa, qimmeq sumi najugaqarpasippa il.il.

Inuk § 21 imm. 1 naapertorlugu qimmimik paarsigallartoq akisussaassanngilaq. Tamatumani pineqarput pisuni inuup allanik qimminik piginnittup tigumminnittulluunniit piinik ullualunni imaluunniit sulinnigiffeqarnerani paarsineranut atatillugu.

Naak akiuussusersuinerit, nalunaaqutsersuinerit nalunaarsuinerillu inatsimmi aallaqqaasiutitut nassuiaatini pisortanit akilerneqartussaagaluartut ( qimminut qimuttunut savaatillillu qimmiinut tunngatillugit) taamaattoq qimmimik tigumminnittup pingaarnertut akisussaaffigaa qimmimi eqqortumik akiuussusernissaa, nalunaaqutsernissaa nalunaarsornissaalu. Qimmimik tigumminnittup ilisimaleruniuk qimmimi ilaat arlallilluunniit akiuussuserneqarsimannginnerat imaluunniit nalunaaqutaqannginnerat nalunaarsorsimannginnerallu qimminik tigumminnittup akisussaaffigaa pisussaaffigalugulu oqartussat eqqortut attavigissallugit tamatuma piaartumik aaqqinneqarnissaa siunertaralugu.

#### *Imm. 2-mut*

Aalajangersakkami qimmeq ukiumi siullermi pingasoriarlugu akiuussutissalerneqartarnissaa aalajangerneqarpoq, taassuma kingorna ukiut pingasukkaarlugit aamma

akiuussutissaleeqqinneqartassalluni. Oqaatsimi "qimmeq"-mi, soorlu imm. 1 assigalugu tassani qimmit tamarmik pineqarput.

Annerpaamik sunniuteqaqqullugu aallaaviuvoq qimmiaqqat arfineq-pingasunik sapaatit akunneqaleraangamik qimmit nappaataannut parvovirusimullu siullermik akiuussuserneqartassasut, kiisalu aqqaneq-marlunnik sapaatit akunneqaleraangamik kiisalu ataatsimik ukioqaleraangamik. Taassuma kingorna qimmeq ukiut pingasukkaarlugit akiuussuserneqartassaaq, tassani siunertaalluni qimmip qimmit nappaataannut parvovirusimullu akiuussinnaanerata sakkortusinissaata qularnaarnissaa. Qimmilli ukiuminni siullermi akiuussuserneqanngitsut nappaatinut taakkununga illersugaanerulersillugit aamma akiuussuserneqarsinnaapput. Qimmit taakku ukiumi siullermi aamma pingasoriarlugit akiuussuserneqassapput kingornalu ukiut pingasukkaarlugit akiuussuserneqaqqittarlutik.

Maleqquneqartunit amerlanernik akiuussusersuinikkut qimmeq pitsaanerumik illersorneqalernaviangilaq, aallaaviussaarluni akiuussusersuineq uumasut nakorsaannit ilitsersuinikkut inassuteqaateqarnikkullu, imaluunniit qimminut akiuussusersuisartumit akuerisaasumit peqquneqarnikkut taamaallaat pissaaq.

Naalackersuisut kommuninut tamanut atuuttussamik akiuussutissalersuinissamut pilersaarusiamik aalajangersaassapput.

#### *Imm. 3-mut*

Aalajangersakkakut akiuussusersuinermini nalunaaqutsersuinermini taamaallaat uumasut nakorsaatt imaluunniit qimminik akiuussusersuilluni kapuisinnaatitaasumit akuerisamit suliarineqarnissaat aalajangerneqarpoq.

Aalajangersakkakut qulakkeerniarneqarpoq qimmeq passutsinnermini annianginnissaa kiisalu kukkusumik akiuussuserneqannginnissaa. Taamaalillutik uumasut nakorsaatt ilinniarsimasooq qimminilluunniit akiuussusersuisartut Naalackersuisunit akuerisaasut inatsimmi uani aalajangersakkat malillugit taamaallaat qimminik akiuussusersuisinnaallutillu nalunaaqutsersuisinnaapput.

#### *Imm. 4-mut*

Kommunimi qimminik akiuussutissalersuisartut akuerisaasut imaluunniit uumasut nakorsaatt pisariaqarnerat naapertorlugu amerlassusillit kommunalbestyrelsit nakkutigissaat tassuuna aalajangersarneqarpoq.

Tassa kommunalbestyrelsit akisussaaffigaat pisussaaffigalugu uumasut nakorsaatt qimminillu akiuussutissalersuisartut akuerisaasut pisariaqarneri naapertorlugit amerlassuseqartussat kommunimi atorfinitsinnissaat, taamaaliornikkut inatsimmi aalajangersakkat malillugit akiuussutissalersuineq, nalunaaqutsersuineq nalunaarsuinerlu suliarineqarniassammata.

Kommunalbestyrelsit namminneq kommuniminni uumasut nakorsaat akiuussusersuisartussallu akuerisaasut sulinissaannut pilersarusiussavaat. Taamaalillutik uumasut nakorsaat akiuussutissalersuisartut akuerisaasut inatsit una naapertorlugu qassinik atorfinitsinnissat pisariaqartinneqarnersut kommunalbestyrelsit nalilersuinerikkut suliassaraat. Kommunit ilaat kommuninit allanit qimmeqarfiunerupput, taamaattumillu kommunini assigiinngitsunik amerlassusilinnik uumasut nakorsanik akiuussutissalersuisartussanik pisariaqartitsisoqassaaq. Kommunalbestyrelsip uumasut nakorsaannik akiuussutissalersuisartunik atorfinitsitsinerisa kingorna paasinarsippat kommunimi qimmit tamarmik akiuussusernissaannut nalunaaqutsernissaannullu taakku kisimiillutik suliassaq kivissinnaanngikkaat kommunalbestyrelsip pisussaaffigaa uumasut nakorsaasa akiuussutissalersuisartut akuerisaasut amerlassusaat qaffatsissallugit.

#### *Imm. 5-imut*

Tassuuna aalajangersarneqarpoq kommunalbestyrelsit inassuteqareernerisigut kommunini qimminut akiuussusersuisartunik akuerisaasut Naalakkersuisut kisimik ilinniartitsisassasut akuersisassasullu.

Qimminik akiuussusersuisartuq inatsit una malillugu qimminut akiuussusersuinnginnerani nalunaaqutsersuinnginneranilu Naalakkersuisunit akuerineqaqqaarsimassaaq.

Aalajangersakkakut qulakkeerniarneqarpoq qimmit akiuussusersuinermik nalunaaqutsersuinermillu naammattumik sungiusarneqanngitsunit qimmit timaannik, akiuussutissanik kiisalu eqqortumik nalunaaqutsersuinermik naammattumik ilisimasaqanngitsut qimminik akiuussusersuinerikkut nalunaaqutsersuinerikkullu qimminik pisariaqanngitsunik naalliutsitsinnginnissaat.

Kommunini qimminut akiuussusersuisartut akuerisaasut ilinniarnissaat Naalakkersuisut pilersarusiussavaat.

Kommunalbestyrelsit taamaalillutik kommunimi qimminik akiuussutissalersuisartussatut piukkussaminnik inassuteqaateqassapput inatsit una malillugu Naalakkersuisut qimminut akiuussutissalersuisartussatut ilinniartitsinerannut peqataasussanik akuersissuteqalertussanillu.

Naalakkersuisut inassuteqaatigineqartut akuersissutissaannik tuniumasinnaanngilaat inassutigineqartoq ilinniareernermi kingorna paasinarsippat akuersissummik tuninissaa illersorneqarsinnaanngitsoq. Soorlu paasineqarpat pineqartoq qimminut akiuussusersuisartussatut naleqqutinngitsoq.

#### *Imm. 6-imut*

Aalajangersakkami qimmit kommunimi akiuussutissalersorneqartut, nalunaaqutserneqartut nalunaarsorneqartullu pillugit nalunaarutiginninnerit Naalakkersuisut piunasaqarnerisigut kommunalbestyrelsip nassiussisarnissaannik aalajangerneqarpoq.

Nuna tamakkerlugu akiuussutissalersuinnermut tunngatillugu aqqissuunnissaa ataqatigiissaarnissaalu aalajangersakkakut qulakkeerniarneqarput. Kommunalbestyrelsi nalunaarutiginninnissaminut akerliuppat Naalackersuisut kommunalbestyrelsi kommuninut nakkutilliisunut nalunaarutigisinnaavaat.

*Imm. 7-imut*

Naalackersuisut qimminik tamanik qitsunnillu nakkutilliinissamik aallartitsisinnaanerannik aalajangersakkakut aaqqiisoqarpoq. Nakkutiginninnermut atatillugu Naalackersuisut nakkutiginninnermut atatillugu misiliutissanik tigooqaallutillu katersisinnaapput, kiisalu immikkut nalunaaqutsersuillutik nalunaarsuillutillu imm. 1-imi aalajangersakkat avataatigut. Aalajangersagaq aamma atorneqassaaq qimmit nappaataannik parvovirusimillu tuniluuttoqarnerani tuniluunnerup annertussusaa pissusaalu pillugit immikkut suliniartoqartariaqarpat.

*Imm. 8-imut*

Aalajangersagaq annerusutigut siusinnerusukkut § 21, imm. 2-jusimasumik ingerlatseqqinneruvoq. Taamaattoq "qimmit inuttaat, piginnittuat" annertusineqarluni aamma ilanngunneqarpoq "tigumminittoq", tak. imm. 1-imi isiginninnerit. Qimminik, matumani qimminik qimuttunik savaatillillu qimmiinik qitsunnillu tigumminittut inatsit naapertorlugu misissuisoqarnerani misiliutissanillu tigusisoqarnerani allatulluunniit iliortoqarnerani pisariaqarnera naapertorlugu akilerneqaratik ikiuutissapput, soorluttaaq nappaatinik tuniluuttunik uumasullu nappaataannik inunnut tuniluussinnaasunik akiuniarnermi aalajangersakkat assigalugit. Matumani aamma Naalackersuisut assersuutigalugu qimminik qitsunnilluunniit tigumminittoq peqqusinnaavaat uumasuutimi tiguniarnissaat aalaakkerlugit imm. 7-imi suliasat Naalackersuisut suliarisinnaaniassammatigit.

*Imm. 9-mut*

Tassuuna alajangersaasoqarpoq Naalackersuisut imm. 6 naapertorlugu nalunaaruteqartussaa-titaanerit pillugit nalunaarusiorlutik erseqqarinnerusunik malittarisassiorsinnaatitaanerannik. Malittarisassani tassani ilaapput kommunalbestyrelsit paasissutissanik sunik nalunaarute-qassanersut, paasissutissat qanoq nalunaarutigineqassanersut kiisalu qanoq akulikitsigisumik nalunaaruteqartoqartassanersoq.

Naalackersuisut taamaalillutik assersuutigalugu erseqqarinnerusumik malittarisassiorsin-naapput kommunalbestyrelsit akiuussutissalersuinnermut, nalunaaqutsersuinnermut nalunaarsuinnernullu elektroniskimik paasissutissaasivik atorlugu kommunalbestyrelsit nalunaaruteqarnissaannut tunngasunik.

Nr. 5-imut

*§ 21 a, imm. 1-imut*

Aalajangersagaq nutaajuvoq tassuunalu aalajangersarneqarluni tigumminnittoq piumasagaataasunik akiuussusersuinissamut, nalunaaqutsiinissamut nalunaarsuinissamullu akerliuppat kommunalbestyrelsip isumagissagaa qimmeq pinngitsaaliissummik akiuussusernissaa, nalunaaqutsernissaa nalunaarutiginnissaalu. Oqaaseq "tigumminnittoq" § 21-imisullu atornerarneratut ingerlateqqinneqarpoq. Aalajangersakkami qimmit tamarmik pineqarput, tak. "Qimmit, matumani qimmit qimuttut savaatillillu qimmiinik" taagorneqartut. Tigumminnittoq akiuussusersuisimanginnermut, nalunaaqutsersuisimanginnermut nalunaarsuisimanginnermullu akerliusutut oqaatigineqarsinnaavoq taanna qimmimi ilaat arlallilluunniit kommunalbestyrelsimut piaaraluni nalunaarutiginninngippat. Aamma taamaassaaq tigumminnittoq akiuussutissalersuisartut uumasulluunniit nakorsaat akiuussutissalersuinissaannut nalunaaqutsersuinissamulluunniit akerliuppat, imaluunniit tigumminnittup akiuussutissalersuisartuq uumasulluunniit nakorsaat ikiunngippagu qimminik tigooqqaanissamut aalaakkiinissamulluunniit, taakku akiuussutissalersuiniarnerminnut imaluunniit nalunaaqutsersuinerannut nalunaarsuinerannullu suliaqarniarlutik taamaaliorpata.

Pinngitsaaliilluni akiuussusersuisoqarnissaa siunertaralugu kommunalbestyrelsip politiinut ikioqqusinnaapput, qimmit aaneqarnissaat imaluunniit qimminik tigumminnittup angerlarsimaffianut isernissaq pisariaqalissagaluarpat, kommunalbestyrelsip uumasut nakorsaat imaluunniit qimminik akiuussusersuisartut qimmit inissisimaffiitut tikiuttoqarnissaa qimminillu tigumminnittup akuerinngippagu.

#### *§ 21 a, imm. 2-imut*

Tassuuna aalajangersarneqarpoq imm. 1 naapertorlugu qimmit pinngitsaaliissummik akiuussutissalerorneqarsinnaanngippata, nalunaaqutsersorneqarsinnaanngippata kiisalu nalunaarsorneqarsinnaanngippata piginnittup akiligaanik piginnittumullu taarsiinertaqanngitsumik qimmit toqunneqarnissaat kommunalbestyrelsip suliniutigissagaa.

Aalajangersakkami qimmit tunillaassuisut imaluunniit tunillaassuisinnaasut uumasunut peqqissunut tunillaassuisinnaanerata aarlerinaataa millisinniarneqarpoq, taamaalilluni nappaatit navianartut siaruaatsinnaveersaarlugit.

Qimmeq eqqortumik akiuussuserneqarluni nalunaaqutserneqanngippat qimmit nappaataannik tuniluutiasunik akiuiniarneq nakkutigineqarsinnaanngilaq. Taamaammat pisortat taassuminnga periarfissamik sakkoqarnissaat pisariaqarpoq, qimmimik tigumminnittoq suleqataarusussanngikkaluarpat imaluunniit qimmimi akiuussuserneqarnissaa nalunaaqutserneqarnissaalu akerleralugit, tamatumanilu qimmit allat illersorneqarnissaat isiginiarneqarpoq.

Pinngitsaaliilluni nalinginnaasumik toqutsisoqartassaaq uumasut nakorsaata qimminilluunniit akiuussusersuisartut akuerisaasut namminneq takullugu paasigunikku qimmeq napparsimalereersimasooq imaluunniit nappaateqarneranik ersiuteqartoq, qimmip nalunaaqutsigaannginneranut nalunaarsugaannginneranillu piviusunik tunngaveqarneranik

atatitsinikkut. Kommunalbestyrelsip taamaattoqarpat toqutsineq suliniutigissavaa. Toqutsineq sapinngisamik erngertumik pissaaq, qimmip pisariaqanngitsumik naalliutsinnissaa pinngitsoortinniarlugu, aammali tuniluuttoqarnissaanut aarlerinaat millisarniarlugu.

Uma aalajangersakkap atorneqarnissaanik isumaliuteqarnermi pisortani ingerlatsinermi tunngaviusumik suleriaatsit isiginiarneqassapput. Matumani pissutsinut naapertuuttumik periaaseqarneq isiginiarneqassaaq, taamaalilluni qimmimik imaluunniit qimminik toqutsinnginnermi akulerunnerit annikinnerusut atoqqaarneqassallutik.

Qimmit qimuttut savaatillillu qimmii akiuussuserneqarsimannngitsut uumaannarsinnaanerannut periarfissaq ima annikitsigaaq, allaat piunngitsutut taaneqarsinnaalluni. Qimmit qimuttut savaatillillu qimmii qimminit nalinginnaasunit sakkortunerusumik allaanerusunillu atugaqarput, taamaammat qimminit allanit immikkoortinneqarsinnaanatik nappaalajunnaarnissaannik utaqqinnermi. Pisuni amerlanerpaani qimmit qimuttut qimmit nappaataannik ullaakkut ersiuteqaleraangamik unnuk taanna toqoreertarput. Taamaammat qimmeq qimuttoq savaatillilluunniit qimmiat napparsimasoq imaluunniit nappaammik ersiuteqartoq piaartumik toqunneqartuaannassaaq, tigumminnittumit akuersissuteqarnikkut, imaluunniit taamaassinnaangippat pinngitsaaliilluni toqutsinikkut.

Qimmit nalinginnaasut akiuussuserneqarsimannngitsut nappaalasoqalernerani aninguinissaannut annikitsuaqqamik periarfissaqartarput. Taamatut naliliisinnaasutuaq tassaavoq uumasut nakorsaasut, qimmerlu uumasut nakorsaanni aamma katsorsarneqassalluni. Pisuni taamaattuni uumasut nakorsaannit ikiuisoqarsinnaappat pinngitsaaliilluni toqutsineq kinguartinneqarsinnaavoq uumasut nakorsaannit oqaaseqaammik pisoqarnissaata tungaanut. Aallaaviussaarli pisuni tamakkunani qimmeq toqunneqassammat tigumminnittumit sapinngisamik akuersissummik pereernikkut, taamaassinnaangippallu allatut ajornartumik pinngitsaaliilluni toqunneqassaaq.

Qimmimik tigumminnittup toqutsinissamat akuerserusunngippat imaluunniit kommunalbestyrelsip aallartitai uumasut nakorsai qimminilluunniit akiuussusersuisartut akuerisaasut qimmimik toqutsisussat qimmip inissisimaffianut tikitsaaliorpagit kommunalbestyrelsip politiit ikiortiserisinnaavai.

Aalajangersagaq taanna naapertorlugu toqutsineq tigumminnittumit akilerneqassaaq tassungalu taarsiinertaqanngitsumik pissalluni. Qimmimik pinngitsaaliilluni toqutsisoqartariaqarpat tamanna tigumminnittup inatsimmi akiuussusersuinissamik aalajangersakkanik malinninnginnerata kingunerissavaa. Qimmimi akiuussusersornissaasa nalunaaqutsersornissaasalu qulakkeernissaat tigumminnittup akisussaaffigaa. Taamaammat qimmimik tigumminnittup inatsimmi piunngitsaaliilluni nammineq malinnissimannnginnera peqqutigalugu taarsiissutinik tunniussisoqassanngilaq.

*§ 21 b-mut*

Aalajangersagaq nutaajuvoq qimmillu nappaataannik parvovirusimillu nappaalasoqalernerani aalajangersarlugu akiuussusersuinerit Naalakkersuisut innersuinerisigut Naalakkersuisullu akuersinerisigut pissasoq.

Aalajangersakkakut qularnaarniarneqarpoq akiuussusersuinermit pilersarusiat taama ittut eqqortumik aaqqissuunnissaat ataqatigiissarneqarnissaallu, taamaalilluni nappaatit siaruaannissanut akiuiniarnerup pitsaanerulernissaa anguniarneqarluni. Naalakkersuisut nakkutilliisussatut qulliusutut kommunit killeqarfii akimorlugit sumiiffinnut eqqugaasunut nakkutilliisinnaapput, taamaalillutillu takusinnaalluarnellugu sumi suliniuteqartoqassanersoq. Qulliunerusunit ataqatigiissarisooqarneratigut qimmit qimmit nappaataannik parvovirusimillu napparsimalereersimasut kukkusumik akiuussusersorneqarnissaannik aarlerinaammik minnerulersitsissaaq. Akiuussutissalersuineq pitsaaliuinerinnaavoq, qimmillu nappaalalereersut aaqqitsissinnaanagit. Uumasut taamaattut ingerlaannaq toqunneqartassapput tuniluuttoqannginniassammat. Naalakkersuisut tassani oqartussaaffimmi immikkut ilisimasalittut uumasut nappaataannik nungusaanermi akiuussusersuinerne oqartussaapput naleqqunnerpaat, soorlu annerusumik nappaalasoqartillugu kiisalu kommunalbestyrelsit siunnersornissaannut ilitersornissaannullu suliaqartussatut eqqarsaatigalugit.

Nappaalasoqalersillugu napparsimasoqalersilluguluunniit, imaluunniit kommunalbestyrelsi pasitsaassaqaruni napparsimasoqalersimaneranik nappaalasoqalersimaneranillu kommunalbestyrelsi taamaammat ingerlaannartumik Naalakkersuisunut attaveqassaaq suliniummut pilersaarummik suliaqartoqarnissaa siunertaralugu kiisalu akiuussutissalersuinissamut pilersaarusiami suleriaasissaaq annertusisaaq pillugu aaqqissuunneqassanersoq kiisalu ingerlanneqassanersoq eqqarsaatigalugit.

*§ 21 c, imm. 1-imut.*

Aalajangersagaq nutaajuvoq tassani akiuussusersuinermit atatillugu kiisalu § 21 naapertorlugi nalunaaqutsersuinissat qanoq aningaasalersorneqassanersut aalajangersarneqarluni. Tassunga aningaasartuutit Nunatta karsianit akilerneqassapput.

*§ 21 a, imm. 2-imut.*

Tassuuna aalajangersarneqarpoq akiuussusersuinerit nalunaaqutsersuinerillu § 21-p avataaniittut kiisalu qimminik inuussutissarsiornermut atorneqanngitsunik, matumani qimminik qimuttunut savaatillillu qimmiinut tunnganngitsut, tigumminnittuisa kisimi akilissagai. Tassa ilaatigut imaappoq nalinginnaasumik qimmillip tigumminnittup, inuussutissarsiornermut atorneqanngitsunik, soorlu qimuttunik savaatillillu qimmiinik allaanerusunik, akiuussusersuinerit tamanut kiisalu nalunaaqutsiinernut aningaasartuutit tamaasa nammineq akilissavai.

Nr. 6-imut



Aalajangersakkami inatsisit atuuttut ingerlateqqinneqarput. Aalajangersagarli ima annertusisaavoq, taamaalilluni § 21, imm. 1-3-mi imaluunniit imm. 8-mi aalajangersakkat nutaat unioqqutinneqarpata aamma akiliisitsisoqarsinnaalluni. Taakku saniatigut aalajangersakkat atuuttut tassuuna ingerlateqqinneqarput.

Taamaalilluni § 21 imm.1, nr 1-2 naapertorlugu Naalakkersuisut akiuussutissalersuinissamik pilersaarussiaat immikkoortumillu atajuartussamillu nalunaaqutsersuinissamik nalunaarsuinissamillu maleqqusaat malinngippagit qimmimik tigungminnittumut akiliisitsinermik kinguneqarsinnaavoq. § 21, imm. 2 naapertorlugu qimmimik tigungminnittup qimmeq ukiumi siullermi pingasoriarlugu akiuussusinnngippagu, kingornalu ukiut pingasukkaarlugit akiuussusersuisanngippat akiliisitsinermik kinguneqarsinnaavoq. § 21, imm. 3 naapertorlugu akiligassiisoqarsinnaavoq akiuussusersuisoq nalunaaqutsersuisorlu qimminut akiuussusersuisussatut akuerisaq imaluunniit uumasut nakorsaat ilinniarsimasoq akiuussusersuinermi nalunaaqutsersuinermilu atorneqanngippata. Qimmimik tigungminnittoq nassuiarneqartutut ikiuutinngippat § 21, imm. 8 naapertorlugu akiligassiisoqarsinnaavoq.

#### *§ 2-imut*

Siunnersuutigineqassaaq Inatsisartut inatsisaat ulloq 1. januar 2017-miit atuutilissasoq.

#### *Imm. 2-mut*

Aalajangersagaq nutaajuvoq. Ikaarsaariarnermut aalajangersakkakut tassuuna qularnaarniarneqarpoq qimmit inatsisip atuutilernerani ataatsimik ukioqareersut aamma nalunaaqutserlugillu nalunaarsornissaat inatsisip atuutilerneranit kingusinnerpaamik ukiup ataatsip qaangiutinnginnerani, taamaalilluni ingerlatsiviup atuutsitsilernerana pitsaasumik nakkutigineqarniassammata kiisalu § 21-imi akiuussutissalersuinissamut pilersaarusiama aalajangersakkat ingerannissaat eqqarsaatigalugit.